

671.1249
084
15

昌黎縣志

卷八

人物下

公益耆壽流寓

政事行誼忠烈

仙釋方伎

昌黎縣志卷八

人物志下

政事

明

祖述字尙賢永樂中由貢生擢嘉定知縣卹民隱每朔望必集父老詢邑中利害因邑濱海之田齧於海額賦無從出宜蠲歲辦漕艘若干多竄徙者宜罷奏上報可累遷福建布政司右參政

祀鄉賢

明一統志

杜謙字益之幼失恃事繼母甚謹不拂父意登景泰進士授主事以姚夔薦出爲浙江布政使入尹京兆拜工部侍郎居官善理事平易明決民懷吏畏時定賦役等第按察使欲增損其則而盡貸無產之家謙以此輩皆游民而令賦役獨歸力穡之農非

昌黎縣志 卷八
崇本抑末之意卒從謙議歲祲特奏免田租若干舊有起運存留之數戶部以起運者不可免而只免存留者謙言若然則一省官俸軍費俱乏矣二者必增損之乃可執奏不已朝廷從之致仕歸卒子源亦第進士官青州知府

周斌字國用登景泰辛未進士授御史劾石亨曹吉祥諸不法事謫江陰知縣多惠政擢開封知府未幾轉陝西參政軍民遮道攀留白於提學副使劉昌記其遺愛立石頌德官至廣東布政

使卒於官祀鄉賢

明史

王翰正德甲戌進士官行人十四年有詔南巡翰與修撰舒芬等連名疏諫下詔獄貶黜尋以創死帝亦竟罷南巡世宗立贈御

史祀鄉賢

萬信宣德二年以明經任開封知府守職廉勤夜夢一男子裸身

稱冤曰吾爲祥符民耿羊兒所殺屍埋莊後信驚悟明日至其家果得屍考驗俱符人皆異之在任久一夕澡畢然燭獨酌召二子曰強毅可建事功忠信可通神明我去汝勉爲之言訖遂

逝祀鄉賢

明一統志

張文質字允中正統壬戌進士授工部給事中遷通政使累陞禮部尙書重厚有容歷官四十餘年無過舉子忱亦成進士官兵部郎中

王貴以明經任蘇州郡丞陞慶陽知府有德望祀鄉賢

宋銘成化乙酉舉人任河南通許知縣仁恕清廉士民感戴有德政錄至今子孫繩繩人咸謂循良所致祀鄉賢

趙瑞嘉靖壬午舉人授河南伊陽知縣居官清介洒然出塵雅有陶靖節之風卒無遺金不能殮人皆痛惜

賈韶以明經授瑞安主簿志行嚴謹六載卒於官民感德爲之立祠

王槐貢生工書翰任中書歷工部左侍郎清慎正直不阿權貴世廟嘉其忠贈祖父如其官

齊宗堯號碣石以歲貢授山西屯留縣丞攝邑篆歲飢流離載道卽爲上聞開倉發粟以賑貧困賴以全活者萬計又寬逋負招流亡復業者五千餘人陞陝西鄜州判官值西戎猖獗堯躬親訓練號令嚴明虜不敢逼還陞屯留邑宰百姓歡呼曰吾父母復來矣洎屯留四載招撫流亡四千丁墾荒田二千一百頃藩府理問枉殺人歲餘不決兵司稔知堯強幹命鞠之堯毅然馳入王府檢屍傷置理問及用刑者於法尋調定襄士民號泣不能留請祀名宦不數月陞汾州知州隆慶丁卯虜犯境堯率精

兵三千餘人分城固守又於城下築牆以防衝突三日部分甫定虜衆百萬破石州乘勝長驅中外震恐乃令於衆曰汝等父母妻子俱在城內當於死中求生否則無噍類矣衆感奮無一人不盡死力者公亦躬冒矢石拒敵八晝夜賊知不可破宵遁堯率衆追襲斬獲三十五級搜捕城內奸細四十餘人以功擢河東轉運同知仍攝州事益練民兵造火器積糧餉築城池而

以鯁直忤強宗調忻州陳兵事二十餘條不報解組歸卒

畿輔通志

齊鳴鳳字君瑞號芝岡宗堯長子萬曆乙卯選貢除山東高苑令秉公持法豪強斂迹民大稱快尤軫念民隱養老長孤立社師以訓子弟建社倉以備凶荒給耕牛以助貧農歷任四載邑以治稱陞遼東自在牧去之日邑人攀擁者以萬計接篆視事洞悉利弊懲舞文書吏却將領餽遺承委札勘事事躬親規畫邊

昌黎縣志 卷八
務言皆中欵甫抵任而囊穎立見然終以強項爲巨室所擠解組歸自奉儉薄尋山林之樂兼勤於農事積穀豆若干值歲祲悉散諸宗姻及里社之不給者性喜詩文不事雕琢嘗自謂片刻可揮十數篇著有時務論藏於家

齊鳴雷號春圃宗堯次子由貢生任林縣知縣蒞政廉明有古良吏風居鄉純篤有古君子風至今子孫繩繩祀鄉賢

萬人傑字鍾岳爲人廉潔孝謹尤長於兵事庚午之警倡團守禦不避矢石間令童子執花籃作韓湘子狀望者驚以爲神不敢近城得以全由歲薦司祁州訓值酋虜內犯州牧危不知所往人心惶懼傑忿然作色與紳民聯爲一體誓以死守旣而料敵制勝如小范老子腹中有數萬甲兵祁僅彈丸地卒獲瓦全厥功甚偉陞東安縣教諭事蹟載祁州守城碑記

王可詔任鞏昌府推官蒞政嚴明陞臨洮府同知

龍呈圖積學富文天姿和厚由明經任鄧州佐陞山東都司經歷
廉靜有爲解組歸崇禎庚午捐資鼓衆登城守禦以功加四品
服授中憲大夫

鄭冕永樂中以吏員爲安邱縣丞爲人長厚佐政公勤百姓愛服
遷工部主事

崔碧字仲玉永樂辛丑進士官德初拜交趾道監察御史持躬蹇
蹇綽有能聲官至山東按察僉事

魏可簡萬曆己丑進士官尙寶寺卿卒生平清介未竟厥施

張國祥字太和幼失怙恃父昂上元主簿母齊氏宗堯妹昂歿於
上元遺妾王氏年十九礪節苦守祥長奉事如禮師邑侯孟秋
講學力行不倦孟公卒捐貲立祠於西關後師楊公啓元悟羅

近溪性命宗旨由拔貢任豐潤訓導以身率士士風不變建奎
星樓以培風氣豐邑科甲自此盛陞渭源令甦驛弊減雜徭除
奸保良罷民再起有番里曰南川不習文教祥擇其子弟朱際
昌勸課讀書力薦入泮以鼓吹送歸里中番人聚觀者塞山野
文教以興及解組歸囊無長物惟以琴書自娛耕讀課子邑士
夫及鄉里推重之府道舉鄉賢著有明經遺文子至臨增貢生
智臨拔貢生莊臨歲貢生另有傳孫元復舉人另有傳
馬鼎太學生性淳厚厭浮聲任主簿清聲懋著士民望之

韓志字英氣父文以靖難功官大寧都司指揮僉事志襲職從征
有功正統閒調邳州衛撫養士卒訓練依司馬兵法下皆畏而
愛之十四年虜入寇被薦入衛陞指揮僉事提兵出哨棗林等
處景泰初從武靖侯駐大同虜寇北門志突陣大破走之陞指

揮同知天順改元加陞中軍都督僉事五年平逆賊曹欽陞都督府同知忠慎勤勞英宗大嘉之時命帶刀侍衛八年致仕乃

老邳衛遊歷二十餘年卒

同治舊志

清

田宗周三任廣文賦性仁厚接人謙謹儼然有道遺風司李尤侗

贈匾曰人師國老年九十六卒

新府志

閻允吉字卜子康熙癸卯經魁由通州學正升江南徐州蕭縣令

山東兗州府同知調淮海屯田補四川成都府同知江西撫州

府知府卒於官崇祀名宦郡人設像立祠其祠碑畧曰公孝友

性成學問淵邃所歷之區食其德而蒙其庥者在在有顯烈焉

迨涖我撫也綱舉目張利興弊革其愛民也寬而有法其馭下

也嚴而有體其晉接邦之紳士也恭讓而有禮樂易而可親相

引於道義之則而不瀆以私臆哉其良二千石乎觀此亦可概

其生平矣

新府志

張宏字宥涵康熙壬子拔貢授肅寧縣教諭歷九載課士有方才能著績陞浙江新昌縣知縣單車赴任每日邑民甚苦吾豈獨甘耶先時縣署日費米燭等類俱發官價里長賠累難堪宏到任除之甫下車有謀財害命者捕兇無踪跡宿城隍廟積誠默禱恍惚夢一神立階下指曰此朱買臣也寤而思謀死者賣珠客也珠則爲貝買臣者四人分貝也遂單騎密訪果得之獄以決新邑多荒蕪鄉民以積逋爲憂莫敢墾種宏遍諭城鄉令各自開墾准爲世業免舊欠給以牛種邑稱樂土在任五年卒於官崇祀名宦邑人公建生祠子四贊夔著俱廩生蔚另有傳

新府志

志

張翰宸以明經任翁源令多惠政擢長沙郡守潔已率屬政治廉

明活無辜九人獄無冤滯致仕歸捐資訓迪後進值歲歉煮粥

賑貸待舉火者不下千百家邑人感之請祀鄉賢

新府志

蔡毓秀初任浙江奉化令修學宮造戰船平徭役清戶口不以絲

毫累民時檄奉民運糧至象山給兵秀以奉邑地瘠民貧力詳

請免奉民德之擢山西永寧州牧善政尤多秀純孝父歿于軍

以隨征不獲守艱痛哭累日母卒廬墓九載雍正元年祀鄉賢

案舊永平府志蔡士英傳云毓秀其猶子也以公廕任永寧知州舊縣志云昌黎人亦未叙其承廕一節不知係後移居昌黎

或昌黎更有
一蔡毓秀也

高天挺字木天康熙甲戌進士初令臨淮縣當江淮之衝田被水

而猶納糧者名曰水沈田邑民受累至鬻子女以償官逋挺到

任力求督憲奏豁免民困以蘇又捐俸設學擇秀良者親爲督

課由是人文日盛在任五年丁母憂回里淮民如失慈父母焉
後補隆昌令地苦民瘠役重差繁益加意撫恤未嘗愛一錢枉
一法又曾判疑獄雪奇冤人服其神年六十五卒於官歸櫬之
日士民泣送者百里不絕兩邑皆立祠祀之

任五倫字徽菴康熙庚辰進士渾厚和平不矜崖岸宰湖北漢陽
甫下車剔宿弊革火耗斥墨吏賑民災善政幾不勝數見江漢
仁聲集著有徽五眞稿

張蔚字雲升宏子康熙乙酉舉人選授沂水令清介自持有暮夜
以金謁者蔚惕然曰蓋爲此乎稍不自謹大節虧矣因力請告
休乃改教諭授良鄉縣學崇本抑末堪爲多士模楷兩載以病
卒於官

萬瑄康熙乙丑進士初任山東鄒縣令時兩麥不收不待憲檄卽

行停征詳請賑濟文方申開倉借糴迨得請飢民已更生矣各
憲嘉其能檄各州縣效之全活數萬人事無大小曲直立判雪
孔生之奇冤至今其家私祝焉丁內艱服闋補河南內鄉縣當
闖賊殘破之後民多新附疆界不清瑄爲之清理且除陋規五
十餘條後以年老致仕卒於家

高棠萼字仲簾康熙乙丑進士授浙江景寧令景寧本山邑疊石
爲田雨稍愆期卽苦旱萼爲興水利引泉灌溉行之數年水道
修而民享其利先是邑有積逋累至數千萼寬其期推誠開示
及秋稔爭輸過半力不能償者悉爲代償民困以蘇歲歉必以
上聞請賑報可卽親身履勘散發不假胥吏手民皆實受其惠
捐修文廟悉出俸餘攝永嘉篆邑有文文山祠爲請置春秋祀
萼性仁愛其爲治也興利除弊汲汲若不及涖景十年中間攝

昌黎縣志 卷八
篆者凡數邑所至有政聲中丞奇其才以堪勝海疆薦入覲冒

暑得疾卒邑人感其德立祠崇祀著有五榮堂文稿

新府志

張元復字桃岩康熙丁酉舉人少有志節初任玉田縣教諭接諸生以誠持寸衷以恕秩滿陞大名府教授繼遷靖江縣知縣聽訟明允案無遺牘慈惠之聲洋溢遠近邑濱江蘆葦課田遇民貪目前利爭認爲己業其後水漲隨坍多有累及子孫者復力請撫軍奏請開除民困乃甦治靖五年潔己愛民勸農課士興大利除大奸不動聲色事無不濟致仕歸焚香哭送者不下數千人予告文林郎家居九年舉鄉飲大賓壽八十四無疾而逝著有桃岩老人詩文集

新府志

馬

璐字玉軒雍正丙午舉人授福建清流令歷任五年建學宮

修義塚案無停獄民不忍欺至今邑有祠宇後調任邵武有董

姓侵佔學宮地業經百餘年璐爲清查釐定盡還之邑東門外有激湍大河捐俸倡修萬安橋十七丈民不病涉上官差役擾民者捕治不少貸署建寧府同知因病請休回籍八十以壽終

幾輔
志

閻公銑字丹赤號惺甫天性孝友博極羣書工詩文爲諸生卽名噪一時主北平書院樂育後進門人擢巍科采芹藻者更僕難數雍正乙卯膺選拔遂舉於鄉丙辰成進士歷任浙江縉雲麗水嘉興平湖諸縣令陞貴州鎮寧威獨山等州牧所至稱神君焉精於吏治臨大事不眩其興利除弊一切善政難以枚舉而其最著者令嘉興時捕拐匪富大搜其舟得採生拆割凶具骨殖藥物等類究其黨與富子文等數十人置之法士民稱快爲立去思碑

錢陳羣撰

其令平湖也訪陸清獻公之裔縣其奉祀倡修

當湖書院用廣理學之傳其牧鎮寧也雪陷獄之沈冤其牧獨山也清積年之舊牘去之日士民泣送於道勒碑紀石設祠以

祀

新府志

馬拱辰字廷樞雍正己酉舉人學問淵博志潔行芳事親以孝聞性寬厚待人平恕約躬廉謹有萬石君風爲高陽教諭課士勤懇諄諄以立品爲先奉委賑濟務使人沾實惠每語人百姓嗷嗷寧過於厚母失之刻至今高陽士庶猶誦其德焉致仕家居以耕讀課子弟不與外事長男元浩次子元魁同登乾隆丁卯科武舉三子元愷乾隆乙酉選拔

王士升字鶚薦乾隆壬申舉人截取湖北咸豐令除獷悍勸耕牧剗革蠹弊振興文教卅月之間士民頌慈父母焉遇公事下鄉輕騎減從往返無留滯先是各鄉卹每遇命案浮派株連牽累